

四庫全書

經部

欽定四庫全書

春秋分記卷八十一

宋程公說撰

小國第一

虞

號

畢

祭

州

虞

姬姓公爵其先出自大王子仲雍生季簡季簡生

叔達叔達生周章虞仲及武王克殷求大伯仲雍  
之後得周章已為吳君別封其弟虞仲於周之北  
故夏墟為西吳後世謂之虞公自虞仲至虞公十  
二世公羊傳曰天子三公稱公王者之後稱公其  
餘大國稱侯小國稱伯子男然則三公之外稱公  
者惟二王後杞與宋耳此虞公及虢公畢公州公  
並小國而得稱公鄭玄王制注以為殷地三等武  
王克殷雖制五等之爵而因殷三等之地及周公

制禮所因殷諸侯亦以功黜陟之是以周世有爵尊而國小爵卑而國大者言爵尊國小指虞公州公也孔穎達難鄭云案虞是克殷始封非為殷之餘國鄭言不可通於此矣服虔云春秋前以黜陟之法進爵為公劉炫難服云雖復周公大公之勲齊桓晉文之霸位止通侯未升上等州有何功得遷公爵若爵稱公土亦應廣安得爵為上公地仍小國若地被黜爵亦宜減安得地既削小爵尚尊

崇是理之不通也杜預解注皆無明言纂例云或  
曾為三公或見為三公未可定也按虞虢在東西  
周之間皆王畿地虢公為卿士于周畢祭州皆仕  
王朝則是曾為三公而有土為畿內諸侯明矣今  
陝州平陸縣東有虞城

桓公傳十年初虞叔有玉

弟虞公

虞公求旃弗獻既而悔

之曰周諺有之匹夫無罪懷璧其罪吾焉用此其以賈  
害也乃獻之又求其寶劍叔曰是無厭也無厭將及我

遂伐虞公故虞公出奔共池

僖公經二年夏五月虞師晉師滅下陽

傳二年晉荀息請以屈產之乘與垂棘之璧假道於虞以伐虢公曰是吾寶也對曰若得道於虞猶外府也公曰宮之奇存焉對曰宮之奇之為人也懦而不能強諫且少長於君君暱之雖諫將不聽乃使荀息假道於虞曰冀為不道入自顛軫伐鄭三門冀之既病則亦唯君

故

言虞能病冀稱其強以悅虞心

今虢為不道保於逆旅

虢遣人分依客舍聚衆抄

晉邊邑

以侵敝邑之南鄙敢請假道以請罪于虢虞公許之且請先伐虢宮之奇諫不聽遂起師夏晉里克荀息帥師會虞師伐虢滅下陽先書虞賄故也

經五年冬晉人執虞公

傳五年秋晉侯復假道於虞以伐虢宮之奇諫曰虢虞之表也虢亡虞必從之晉不可啟寇不可翫一之謂甚其可再乎諺所謂輔車相依唇亡齒寒者其虞虢之謂也

輔類輔車牙車

公曰晉吾宗也豈害我哉對曰大伯虞仲大

王之昭也。大伯不從，是以不嗣。虢仲、虢叔，王季之穆也，  
為文王卿士，勲在王室，藏於盟府。將虢是滅，何愛於虞？  
且虞能親於桓、莊乎？其愛之也。桓、莊之族何罪，而以為  
戮，不惟偏乎？

桓叔，莊伯之族。晉獻公之從祖昆弟。獻公患其偏，盡殺之。

親以寵偏，猶

尚害之。況以國乎？公曰：「吾享祀豐絜，神必據我。」對曰：「臣  
聞之：鬼神非人實親，惟德是依。故周書曰：『皇天無親，惟  
德是輔。』」又曰：「黍稷非馨，明德惟馨。」又曰：「民不易物，惟德  
絜物。」如是，則非德，民不和，神不享矣。神所馮依，將在德。



矣若晉取虞而明德以薦馨香神其吐之乎弗聽許晉使宮之奇以其族行曰虞不臘矣在此行也晉不更舉矣八月甲午晉侯圍上陽冬十二月丙子朔晉滅虢虢公醜奔京師師還館于虞遂襲虞滅之執虞公及其大夫井伯以媵秦穆姬而修虞祀且歸其職貢於王故書曰晉人執虞公罪虞且言易也

穀梁傳非國而曰滅重夏陽也虞先晉何也為主乎滅夏陽也夏陽者虞虢之塞邑也滅夏陽而虞

號舉矣虞之為主乎滅夏陽何也晉獻公欲伐虢  
荀息曰君何不以屈產之乘垂棘之璧而借道乎  
虞也公曰此晉國之寶也如受吾幣而不借吾道  
則如之何荀息曰此小國之所以事大國也彼不  
借吾道必不敢受吾幣如受吾幣而借吾道則是  
我取之中府而藏之外府取之中廢而置之外廢  
也公曰宮之奇存焉必不使受之也荀息曰宮之  
奇之為人也達心而懦又少長於君達心則其言

略懦則不能彊諫少長於君則君輕之且夫玩好在耳目之前而患在一國之後此中知以上乃能慮之臣料虞君中知以下也公遂借道而伐虢宮之奇諫曰晉國之使者其辭卑而幣重必不便於虞虞公弗聽遂受其幣而借之道宮之奇諫挈其妻子以奔曹獻公亡虢五年而後舉虞荀息牽馬操璧而前曰璧則猶是也而馬齒加長矣

虢

姬姓公爵其先出自王季子文王弟虢仲虢仲與  
虢叔為王卿士勲在王室藏於盟府而文王友愛  
二弟謂之二虢武王克殷封仲於西虢封叔亦在  
仲國之西周室東遷虢公忌父林父為天子之相  
仲所封在今陝州陝縣叔所封在鳳翔府虢縣皆  
王畿采邑

隱公傳三年鄭武公莊公為平王卿士王貳於虢鄭伯

怨王王曰無之王崩

平王

周人將畀虢公政

傳八年夏虢公忌父始作卿士于周

桓公傳九年秋虢仲芮伯荀侯賈伯伐曲沃

傳十年春虢仲譖其大夫詹父於王詹父有辭以王師  
伐虢夏虢公出奔虞

莊公傳十八年春虢公晉侯朝王王饗醴命之宥

詳見周

傳二十六年秋虢人侵晉 冬虢人又侵晉

傳二十七年冬晉侯將伐虢士蒍曰不可虢公驕若驟  
得勝於我必弃其民無衆而後伐之欲禦我誰與夫禮

樂慈愛戰所畜也夫民讓事樂和愛親哀喪而後可用也號弗畜也亟戰將饑

傳三十年春王命虢公討樊皮

詳見周

傳三十二年秋七月有神降于莘虢地惠王問諸內史過

曰是何故也對曰國之將興明神降之監其德也將亡

神又降之觀其惡也故有得神以興亦有以亡虞夏商

周皆有之王曰若之何對曰以其物享焉其至之日亦

其物也

若以甲乙日至祭先脾

王從之內史過往聞虢請命

聞虢請於

神求賜土  
田之命

反曰號必亡矣虐而聽於神神居莘六月號

公使祝應宗區史囂享焉神賜之土田史囂曰號其亡乎吾聞之國將興聽於民將亡聽於神神聰明正直而壹者也依人而行號多涼德其何土之能得

閔公傳二年春號公敗犬戎于渭汭舟之僞曰無德而祿殃也殃將至矣遂奔晉

晁補之論曰孟子論出則無敵國常亡善哉舟之僞之觀國於其得志而憂之可謂知矣

僖公經二年夏虞師晉師滅下陽

傳二年夏晉里克荀息帥師會虞師伐虢滅下陽

胡安國曰下陽虞虢之塞邑猶秦有潼關蜀有劍  
嶺皆國之門戶也潼關不守則秦蜀破下陽既舉  
而虞虢亡矣

秋虢公敗戎于桑田晉卜偃曰虢必亡矣亡下陽不懼  
而又有功是天奪之釐而益其疾也必易晉而不撫其  
民矣不可以五稔熟也



傳五年秋晉侯復假道於虞以伐虢八月甲午晉侯圍

上陽問於卜偃曰吾其濟乎對曰克之公曰何時對曰

童謠云丙之晨龍尾伏辰

日月之會曰辰日在尾故尾星伏不見

均服振

振取虢之旂

戎事上下同服

鷄之賁賁天策焞焞火中成軍虢

公其奔

鷄火星賁賁鳥星之體言丙子平旦鷄火中軍事有成功

其九月十月之交

乎丙子旦日在尾月在策

是夜日月合朔於尾月行疾故至旦而過在策

鷄火

中必是時也

冬十二月丙子朔晉滅虢虢公醜奔京師

詳見虞

畢

姬姓公爵僖公二十四年傳文之昭也嘗考康王之誥曰畢公率東方諸侯入應門右蓋畢公高也其後以父師保釐東土作畢命世食采畿內在長安縣西北

祭

姬姓公爵傳曰周公之胤穆王時有祭公謀父入春秋書祭伯則六命稱伯也又書祭公則八命稱

公也又書祭叔四命稱子也亦由本封絕滅世仕  
王朝食采畿內故爵亦異數今第本其公爵之舊

在今東京長垣縣

隱公經元年冬十有二月祭伯來

傳元年冬十二月祭伯來非王命也

桓公經八年冬祭公來

莊公經二十有三年春祭叔來聘

無傳

州

姜姓公爵寰內采邑在王畿之西蘇忿生采地十二邑之一至是以為州公食邑故曰州公杜預承左氏之誤以淳于公為即州公釋其國在晉城陽淳于蓋杞之邑在今密州高密縣非州國也州今孟州溫縣

桓公經五年冬州公如曹

經六年春正月實來

不言州公者承上五年冬經如曹之文

傳六年春自曹來朝書曰實來不復其國也

趙鵬飛曰杞以夏後宋以商後故爵以公其它惟天子三公稱公祭公虞公虢公與此州公是也州

寰內采邑在王畿之西蓋蘇忿生采地十二邑之

一

今懷州

至是為州公食邑公公爵也左氏乃以為

淳于公且淳于公蓋杞公也杞初國於陳留

開封府

桓六年遷于淳于今之密州是也其遷以地稱故

曰淳于公如東樓公之類實則杞公也左氏但見淳于公事偶同年繆以甲為乙矣外相如不書此

何以書為六年寔來起也以地考之魯南鄰於曹  
曹西連於周王臣來魯必經曹衛之邦州公蓋本  
來魯中道朝于曹故先書州公如曹而繼書寔來  
簡文以承上也所以見王法不謹王臣外交一出  
而交二國與隱元年祭伯來之義同或以過我故  
書且自周來曹自曹來魯勢也安有先過我復如  
曹既如曹復來魯何州公往返之不憚勞也或又  
以寔為州公名謂失地名此又求其義而不得穿

鑿至是耶

論曰虞虢唇齒之國下陽虢之重地虢恃下陽而虞恃虢勢也二國之滅自下陽始滅下陽則虞與虢俱墟矣宮之奇舟之僞知之而其君不悟春秋兆其釁於滅下陽著其患於執虞公為世大戒畢祭州亦皆曾為三公而有土於畿內者為國小於事不詳焉

春秋分記卷八十一

欽定四庫全書

經部

程氏春秋分記卷

八十二至  
九十

詳校官監察御史<sub>臣</sub>李陽樸

給事中<sub>臣</sub>溫常綬覆勘

總校官原任中允<sub>臣</sub>王燕緒

校對官主簿<sub>臣</sub>汪日贊

謄錄監生<sub>臣</sub>沈應麟



欽定四庫全書

春秋分記卷八十五

宋程公說撰

小國第二

隨

邢

唐

息

荀

邲

應

韓

紀

鄧

黎

梁

隨

姬姓侯爵國在今京西南隨州隨縣

桓公傳六年春楚武王侵隨使遽章求成焉軍於瑕以

待之隨人使少師董成

董正也

鬬伯比言於楚子曰吾不

得志於漢東也我則使然我張吾三軍而被吾甲兵以

武臨之彼則懼而協以謀我故難間也漢東之國隨為

大隨張必弃小國小國離楚之利也少師侈請羸

羸也弱師

以張之熊率且叱曰季梁

隨之賢臣

在何益鬪伯叱曰以為

後圖少師得其君王毀軍而納少師少師歸請追楚師  
隨侯將許之季梁止之曰天方授楚楚之羸其誘我也  
君何急焉臣聞小之能敵大也小道大淫所謂道忠於  
民而信於神也上思利民忠也祝史正辭信也今民餒  
而君逞欲祝史矯舉以祭臣不知其可也公曰吾牲牷  
肥腯粢盛豐備何則不信對曰夫民神之主也是以聖  
王先成民而後致力於神故奉牲以告曰博碩肥腯謂

民力之普存也謂其畜之碩大蕃滋也謂其不疾癘

木

切蠱也謂其備腠咸有也奉盛以告曰絜粢豐盛謂其

三時不害而民和年豐也

三時春夏秋

奉酒醴以告曰嘉栗

旨酒謂其上下皆有嘉德而無違心也所謂馨香無譏  
慝也故務其三時脩其五教親其九族以致其禋祀於  
是乎民和而神降之福故動則有成今民各有心而鬼  
神乏主君雖獨豐其何福之有君姑脩政而親兄弟之  
國庶免於難隨侯懼而脩政楚不敢伐

傳八年隨少師有寵楚鬪伯比曰可矣讎有釁不可失

也夏楚子合諸侯于沈鹿黃隨不會使遠章讓黃楚

子伐隨軍于漢淮之間季梁請下之

請服也

弗許而後戰

所以怒我而怠寇也少師謂隨侯曰必速戰不然將失

楚師隨侯禦之望楚師季梁曰楚人上左君必左無與

王遇且攻其右右無良焉必敗偏敗衆乃攜矣少師曰

不當王非敵也弗從

不從季梁之謀

戰于速杞隨師敗績隨侯

逸鬪丹獲其戎車與其戎右少師秋隨及楚平楚子將

不許鬪伯比曰天去其疾矣

隨少師見獲死

隨未可克也乃盟

而還

莊公傳四年春王三月楚武王伐隨王行卒令尹鬪祁

莫敖屈重除道梁澁營軍臨隨隨人懼行成

詳見楚

僖公經二十年冬楚人伐隨

傳二十年隨以漢東諸侯叛楚冬楚鬪穀於菟帥師

伐隨取成而還君子曰隨之見伐不量力也量力而動

其過鮮矣善敗由已而由人乎哉詩曰豈不夙夜謂行

多露

定公傳四年吳破楚入郢闕辛與其弟巢以王奔隨吳人從之謂隨人曰周之子孫在漢川者楚實盡之天誘其衷致罰於楚而君又竄之君若顧報周室施及寡人漢陽之田君實有之隨人辭吳曰以隨之辟小而密邇於楚楚實存之世有盟誓至于今未改若難乃旦切而弃之何以事君吳人乃退鑪金初宦於子期氏實與隨人要言王割子期之心以與隨人盟詳見楚

哀公經元年春楚子隨侯圍蔡

論曰楚自入春秋寔以強盛考之傳其加兵則自隨始  
鬬伯比之言曰漢東之國隨為大隨張必棄小國小國  
離楚之利也自楚視隨則隨為東楚為西二國相距限  
以漢水蔡鄧江黃皆近於隨使隨與諸國相親則楚不  
得志於漢東矣此所以先於謀隨歟自少師死季梁諫  
行言聽楚之計不施則求以結隨而離漢東小國之援  
若曰周之子孫在漢東者楚實盡之獨隨迄春秋之季



猶存可謂善持其國哉故要其始終而備論之

邢

姬姓侯爵國在今信德府

莊公經三十有二年冬狄伐邢

無傳

閔公經元年春王正月齊人救邢

傳元年春秋伐邢齊人救邢

僖公經元年春王正月齊師宋師曹伯次于聶北救邢

夏六月邢遷于夷儀齊師宋師曹師城邢

傳元年諸侯救邢邢人潰出奔師師遂逐狄人具邢器  
用而遷之夏邢遷于夷儀諸侯城之

詳見齊

經十有八年冬邢人狄人伐衛

傳十九年秋衛人伐邢以報菟圃之役

詳見衛

經二十年秋齊人狄人盟于邢

傳二十年秋齊狄盟于邢為邢謀衛難也於是衛方病

邢

傳二十四年衛人將伐邢禮至曰不得其守國不可得

也守謂邢政卿國子我請昆弟仕焉乃往得仕

經二十有五年春王正月丙午衛侯燬滅邢

傳二十五年春衛人伐邢二禮從國子巡城掖以赴外殺之正月丙午衛侯燬滅邢同姓也故名

### 唐

姬姓侯爵屬楚之小國在今隨州唐城縣

宣公傳十二年楚伐鄭晉救之與楚戰楚子使唐狡與蔡鳩居告唐惠侯曰不穀不德而貪以遇大敵不穀之

罪也然楚不克君之羞也敢藉君靈以濟楚師使潘黨率游闕四十乘從唐侯以為左拒以從上軍

定公傳三年唐成公如楚有兩肅奭馬

奭音霜

子常欲之

弗與三年止之唐人或相謀請代先從者許之飲先從

者酒醉之竊馬而獻之子常子常歸唐侯自拘於司敗竊

馬

者自拘

曰君以弄馬之故隱君身弃國家羣臣請相夫人

以償馬必如之唐侯曰寡人之過也二三子無辱皆賞

之

傳四年冬蔡侯吳子唐侯伐楚吳入郢

詳見楚

傳五年申包胥以秦師至敗吳軍秋七月楚子期秦子

蒲滅唐

從吳伐楚

息

姬姓侯爵國在今蔡州新息縣

隱公傳十一年鄭息有違言息侯伐鄭鄭伯與戰于竟  
息師大敗而還君子是以知息之將亡也不度德不量  
力不親親不徵辭不察有罪犯五不韙而以伐人其喪

師也不亦宜乎

呂祖謙曰息侯伐鄭此段須就息上看得楚當是時如息如蔡尚與中國相通皆會盟征伐及楚一盛則與中國絕矣

莊公傳十年蔡哀侯娶于陳息侯亦娶焉息媯將歸過蔡蔡侯止而見之弗賓息侯聞之怒使謂楚文王曰伐我吾求救於蔡而伐之楚子從之秋九月敗蔡師于莘傳十四年蔡哀侯為莘故繩息媯

譽其美

以語楚子楚子

如息以食入享遂滅息以息媯歸生堵敖及成王焉未

言

息媯不言

楚子問之曰吾一婦人而事二夫縱不能死其

又奚言楚子以蔡侯滅息遂伐蔡

詳見蔡

荀

姬姓侯爵國在今絳州荀城

桓公傳九年秋虢仲芮伯梁伯荀侯賈伯伐曲沃

鄆

姬姓侯爵僖公二十四年傳文之昭也今永興軍

鄆縣

應

姬姓侯爵僖公二十四年傳武之穆也今汝州葉縣有應鄉

韓

姬姓侯爵僖公二十四年傳武之穆也國在今同州韓城縣

論曰邢衛皆齊桓所存之亡國也衛侯不念桓之大德



以絕先祖之裔蔑骨肉之恩甚矣故生而名之嗚呼天下之亂時無賢伯衛不能修其舊職又重可歎也唐息皆近楚而為楚所滅漢陽諸姬楚實盡之夫中國懿親內自相戕而外夷又何誅焉荀鄴應韓皆同姓其事則略云

紀

姜姓侯爵莊三年始分為齊附庸國在今臨朐縣東壽光縣西

隱公經二年秋九月紀履緌來逆女冬十月伯姬歸于

紀

無傳

紀子帛莒子盟于密

傳二年九月紀裂繻來逆女卿為君逆也冬紀子帛

莒子盟于密魯故也

劉臧曰解者多以譏不親迎不親迎固可譏然聖人之意不特在此紀與齊有累世之讎紀侯求昏於魯以結援又嫁女於周以託王卒不免齊侯之滅是以春秋詳伯姬叔姬季姜之行以為紀侯去

國之張本所謂屬辭比事春秋教也

經七年春王三月叔姬歸于紀

無傳

桓公經五年夏齊侯鄭伯如紀

傳五年夏齊侯鄭伯朝于紀欲以襲之紀人知之

經六年夏四月公會紀侯于成冬紀侯來朝

傳六年夏會于成紀來諮謀齊難也

齊欲滅紀故來謀之

冬紀

侯來朝請王命以求成于齊公告不能

經八年冬祭公來遂逆王后于紀

經九年春紀季姜歸于京師

傳見周

經十有三年春二月公會紀侯鄭伯己巳及齊侯宋公

衛侯燕人戰齊師宋師衛師燕師敗績

經十有七年春正月丙辰公會齊侯紀侯盟于黃

傳十七年春盟于黃平齊紀也

莊公經元年冬齊師遷紀邢鄆郛

無傳

經三年秋紀季

紀侯弟

以鄆入于齊

傳三年秋紀季以鄆入于齊紀於是乎始判

言分爲附庸始於此

冬公次于滑將會鄭伯謀紀故也鄭伯辭以難厲公在標故

經四年春三月紀伯姬卒

無傳隱二年裂繻所逆者

夏紀侯大去其

國六月乙丑齊侯葬紀伯姬

傳四年紀侯不能下齊以與紀季夏紀侯大去其國違

齊難也

經十有二年春王三月紀叔姬歸于鄆

紀侯去國叔姬守節以終婦道

故系之紀

經二十有九年冬十有二月紀叔姬卒

經三十年秋八月癸亥葬紀叔姬

並無傳

鄧

曼姓侯爵國在今襄陽府鄧城縣

鄧侯吾離

桓公經七年夏鄧侯吾離來朝

傳七年春鄧侯來朝名賤之也

以春來夏乃行朝禮故經書夏

傳九年春巴子使韓服告于楚請與鄧為好楚子使道

朔將巴客以聘於鄧鄧人弗受夏楚使鬬廉帥師及

巴師圍鄴鄧養甥帥師救鄴三逐巴師不克闢廉衡陳  
其師於巴師之中以戰而北偽北走也鄧人逐之背巴師而  
夾攻之鄧師大敗鄴人宵潰

祁侯

謚法經典  
不易曰祁

莊公傳六年楚文王伐申過鄧祁侯曰吾甥也止而  
享之驩甥聃甥養甥鄧甥仕於舅氏請殺楚子鄧侯弗許三甥

曰亡鄧國者必此人也若不早圖後君噬齊

若齧腹齊  
喻不可及

其及圖之乎圖之此為時矣鄧侯曰人將不食吾餘言自

害其甥必對曰若不從三臣抑社稷實不血食而君焉  
為人所賤

取餘弗從還年楚子伐鄧

伐申還年

十六年楚復伐鄧滅

之

魯莊公十六年并言於此

論曰巴鄧隨楚國於南方傳載王使詹伯辭於晉謂巴  
濮楚鄧吾南土也則其初蓋皆敵國爾自入春秋楚益  
彊大巴居楚之西鄧居楚之北其勢莫能以相謀楚之  
急圖宜莫先乎此也巴子使告于楚請與鄧為好而鄧  
南鄙鄧人攻而襲之豈惟失巴人與國之利適以啟彊



楚攻伐之釁况又縱楚越其國都以伐申則謀之失滋甚社稷不血食雖激於楚伐申之後然實兆於殺巴行人之時可不戒哉可不戒哉

### 黎

子姓侯爵故黎侯書謂西伯戡黎詩謂狄迫逐黎侯是也國在今隆德府上黨縣

宣公傳十五年夏五月晉侯

景公

將伐潞伯宗曰棄仲章

潞賢臣

而奪黎氏地必伐之六月癸卯晉敗赤狄辛亥滅

潞秋七月晉治兵于稷以略狄土立黎侯而還

狄奪其地故晉

復之

梁

嬴姓侯爵國在今同州夏陽縣

桓公傳九年秋虢仲芮伯梁伯荀侯賈伯伐曲沃

僖公傳十八年冬梁伯益其國而不能實也

多築城邑而無民以

實之命曰新里秦取之

經十有九年冬梁亡

傳十九年春遂城而居之

錄前年傳取新里故不復言秦

冬梁亡不

書其主自取之也初梁伯好土功亟城而弗處民罷而弗堪則曰某寇將至乃溝公宮曰秦將襲我民懼而潰秦遂取梁

董仲舒繁露王道篇云梁為役民無已其民不能堪使民比地為伍一家亡殺五家殺刑其民田先亡者封後亡者刑其民魚爛而去國中盡空春秋曰梁亡亡者自亡也非人亡之也

論曰抑夷狄同中夏者霸主之事興滅國繼絕世者先王之道晉景公繼霸雖不足以望桓文然滅赤狄復立黎侯君子有取焉若秦之於梁蓋同姓之國且相近也穆公乃間而取之能無愧乎雖然秦肆其暴春秋沒而不書以梁自亡為文聖人之意若曰乘人之危惡易見滅人之國罪易知而自取滅亡者其事微所以為有天下國家之戒深切著明矣

春秋分記卷八十二

欽定四庫全書

春秋分記卷八十三

宋程公說撰

小國第三

賈

邲

芮

滑

凡

原

南燕

胡

穀

賈

姬姓伯爵國在今同州蒲城縣

桓公傳九年秋號仲芮伯梁伯荀侯賈伯伐曲沃

邲

姬姓伯爵史記管蔡世家稱邲叔處文王子武王  
母弟後世無所見按邲其先公爵於經傳則伯爵  
國在今濟州任城縣南

隱公經五年秋衛師入邲

傳五年秋衛之亂也

州吁之亂

邾人侵衛故衛師入邾

經十年冬十月壬午齊人鄭人入邾

傳十年夏伐宋邾人不會王命冬齊人鄭人入邾討違王命也

莊公傳八年夏師及齊師圍邾邾降於齊師

文公傳十一年邾太子朱儒自安於夫鍾

邾邑

國人弗徇

順也

經十有二年春王正月邾伯來奔

傳十二年春郕伯卒郕人立君

太子自安於外邑故

太子以夫鍾

與郕邾來奔公以諸侯逆之非禮也故書曰郕伯來奔  
不書地尊諸侯也

芮

姬姓伯爵尚書顧命成王將崩有芮伯為卿士

桓公傳三年芮伯萬之母芮姜惡芮伯之多寵人也故  
逐之出居于魏

傳四年秋秦師侵芮敗焉小之也 冬王師秦師圍魏



執芮伯以歸

傳九年秋號仲芮伯梁伯荀侯賈伯伐曲沃  
傳十年秋秦人納芮伯萬于芮

滑

姬姓伯爵都費國在今西京偃師緱氏鎮

莊公經十有六年冬十有二月會齊侯宋公陳侯衛侯  
鄭伯許男滑伯滕子同盟于幽

僖公經二十年夏鄭人入滑

傳二十年滑人叛鄭而服於衛夏鄭公子士洩堵寇帥  
師入滑

經三十有三年春王三月秦人入滑

傳三十三年春秦師滅滑而還

凡

姬姓伯爵傳曰周公之胤國在今衛州共城縣

隱公經七年冬天王使凡伯來聘戎伐凡伯于楚丘以  
歸

傳七年 初戎朝于周發幣于公卿凡伯弗賓冬天王使凡伯來聘還戎伐之于楚丘以歸

原

姬姓伯爵傳曰文王之昭蓋原伯之後世為王臣或本封絕滅食采畿內國在今孟州濟源縣

僖公傳二十四年秋頽叔奉大叔伐周獲原伯

傳二十五年冬晉師圍原命三日之糧原不降退一舍

而原降遷原伯貫于冀

詳見晉

論曰成周封建同姓為多賈郕芮滑凡原皆姬姓而凡原又食采於王畿也凡伯以王命聘魯戎伐之于楚丘春秋不沒其實非惟見戎之暴因是以傷王室之弱甚矣原距王城為近晉文公始霸圉而取之左氏忽其大言其小顧以退一舍為文公之信非信史也

南燕

姑姓伯爵其先出自黃帝之後國在今滑州胙城

縣

隱公傳五年夏四月衛人以燕師伐鄭燕人畏鄭三軍而不虞制人六月鄭二公子以制人敗燕師于北制

桓公經十有二年秋七月丁亥公會宋公燕人

燕南

盟于

穀丘

經十有三年春二月公會紀侯鄭伯己巳及齊侯宋公衛侯燕人戰齊師宋師衛師燕師敗績

莊公傳十九年秋五大夫奉王子頹伐王

惠王

衛師燕師

伐周冬立子頹

傳二十年春鄭伯和王室不克執燕仲父

南燕伯為  
伐周故

論曰燕見于春秋者二穀丘之盟稱人則微乎微者也  
吾考魯宋之為是盟也為鄭平宋徒盟無信也而燕人  
之微犯不韙以從之越明年又從宋與紀魯鄭戰慢信  
悖義繼以喪師而亡證見矣以傳考之前此則從燕師  
伐鄭而為鄭人所敗後此則同衛師伐周立子頽而為  
鄭伯所執狐特僻陋惟無出則已出則皆悖於理焉終  
至於執辱而不悟蓋其所由來也漸矣

胡

媯姓伯爵今潁昌府西有胡城

昭公經四年夏楚子蔡侯陳侯鄭伯許男徐子滕子頓子胡子會于申

傳十三年楚之滅蔡也

十一年

靈王遷胡於荊平王即位

而服之禮也

經二十有三年秋七月戊辰吳敗頓胡沈蔡陳許師于

雞父胡子髡滅

定公經十有五年春二月辛丑楚子滅胡以胡子豹歸  
傳十五年吳之入楚也四年胡子盡俘楚邑之近胡者楚  
既定胡子豹又不事楚曰存亡有命事楚何為多取費  
焉二月楚滅胡

穀

嬴姓伯爵國在今襄陽府穀城縣

桓公經七年夏穀伯綏來朝

傳七年穀伯來朝名賤之也





春秋分記卷八十三

欽定四庫全書

春程分記卷八十四

宋程公說撰

小國第四

徐

頓

溫

郃

巴

郛

郊

麋

偏陽

郛

沈

舒

舒鳩

變

鄆

宿

徐

姬姓子爵吳與國在今泗州臨淮縣徐城鎮

莊公經二十六年秋公會宋人齊人伐徐

無傳

僖公經三年夏徐人取舒

無傳

經十有五年春楚人伐徐三月公會齊侯宋公陳侯衛

侯鄭伯許男曹伯盟于牡丘遂次于匡公孫敖帥師及諸侯之大夫救徐冬楚人敗徐于婁林

傳十五年春楚人伐徐徐即諸夏故也三月盟于牡丘救徐也孟穆伯帥師及諸侯之師救徐諸侯次于匡以待之冬楚子敗徐于婁林徐恃救也

傳十六年夏齊伐厲不克救徐而還

經十有七年春齊人徐人伐英氏

傳十七年春齊人為徐伐英氏以報婁林之役也

文公經七年冬徐伐呂

昭公傳四年夏楚子

靈王

合諸侯于申徐子吳出也以爲

貳焉故執諸申

詳見楚

傳六年秋徐儀楚聘于楚楚子執之逃歸懼其叛也使  
蘧泄伐徐吳人救之

傳十二年冬十月楚子狩于州來使蕩侯潘子司馬督

蹏尹午陵尹喜帥師圍徐以懼吳

詳見楚

傳十六年春齊侯伐徐二月丙申齊師至于蒲隧徐人

行成賂以甲父之鼎

詳見齊

傳二十七年吳公子掩餘奔徐

為光祿王僚故出奔

經三十年冬十有二月吳滅徐徐子章羽奔楚

傳三十年吳子使徐人執掩餘

二十七年奔故

掩餘懼奔楚冬

十二月吳子伐徐防山以水之己卯滅徐徐子章羽斷

其髮攜其夫人以逆吳子吳子唁而送之使其邇臣從

之遂奔楚楚沈尹戌帥師救徐弗及遂城夷使徐子處

之

頓

姬姓子爵國在今淮寧府南頓縣

僖公經二十有五年秋楚人圍陳納頓子于頓

傳二十五年秋楚令尹子玉圍陳納頓子于頓

頓迫於陳出奔

楚故楚圍陳以納之

襄公經四年冬陳人圍頓

傳四年冬楚子使頓間陳而侵伐之故陳人圍頓

昭公經二十有三年秋七月戊辰吳敗頓胡沈蔡陳許



之師于雞父

定公經十有四年春二月辛巳楚公子結陳公孫佗人帥師滅頓以頓子牂歸

傳十四年春頓子牂欲事晉背楚而絕陳好二月楚滅頓

溫

姬姓子爵蘇氏邑國在今河南溫縣

莊公傳十九年秋五大夫

萬國邊伯詹父子禽祝跪

奉子頹以伐王

惠王不克出奔溫蘇子奉子頹以奔衛

僖公經十年春王正月狄滅溫溫子奔衛

傳十年春秋滅溫蘇子無信也蘇子叛王即狄又不能

於狄狄人伐之王不救故滅蘇子奔衛

蘇子國於溫

### 郛

姬姓子爵其先文王子聃季弟也宋與國按郛有

二南郛則來朝者是也北郛則取郛鼎者是也今

單州城武縣有兩郛城故合書之

隱公經十年夏六月壬戌公敗宋師于管辛未取郕

桓公經二年夏四月取郕大鼎于宋戊申納于大廟

僖公經二十年夏郕子來朝

無傳

巴

姬姓子爵國在今重慶府

桓公傳九年春巴子使韓服告于楚請與鄧為好楚子  
使道朔將巴客以聘于鄧鄧南鄙鄆人攻而奪之幣殺  
道朔及巴行人 夏楚使鬬廉帥師及巴師圍鄆鄧救

鄆三逐巴師不克鄧師大敗鄆人宵潰

莊公傳十八年巴人叛楚而伐那處取之遂門于楚冬

伐楚

傳十九年春楚子禦之大敗于津

為巴人所敗

文公傳十六年春秦人巴人從楚師滅庸

哀公傳十八年春巴人伐楚圍鄆三月楚敗巴師于鄆

詳見  
楚

鄆

亦作  
繒

如姓子爵今沂州承縣有故鄆國

僖公經十有四年夏六月季姬及鄆子遇于防使鄆子來朝

傳十四年春鄆季姬來寧公怒止之以鄆子之不朝也  
夏遇于防而使來朝

經十有五年秋九月季姬歸于鄆

無傳

經十有六年夏四月鄆季姬卒

無傳

傳十六年冬十二月會于淮謀鄆也

鄆為淮夷所病

經十有九年夏六月宋公曹人邾人盟于曹南鄫子會

盟于邾已酉邾人執鄫子用之

若用畜產

傳十九年夏宋公使邾文公用鄫子于次睢之社欲以

屬東夷

詳見宋

宣公經十有八年秋七月邾人戕鄫子于鄫

傳十八年秋邾人戕鄫子于鄫凡自虐其君曰弑自外

曰戕

襄公傳四年冬公如晉聽政

貢賦多少之政

晉侯享公公請屬

鄆晉侯不許孟獻子曰鄆無賦於司馬為執事朝夕之命敝邑褊小闕而為罪寡君是以願借助焉晉侯許之

冬十月邾人莒人伐鄆臧紇救鄆

詳見魯

經五年夏叔孫豹鄆世子巫如晉

傳五年夏穆叔覲鄆大子于晉以成屬鄆書曰叔孫豹

鄆大子巫如晉言比諸魯大夫也秋九月盟于戚穆叔

以屬鄆為不利使鄆大夫臧命于會

鄆與莒有忿  
魯不能救

經六年秋莒人滅鄆

傳六年秋莒人滅鄆恃賂也

鄆有貢賦之賂在魯恃之而慢莒故滅之

傳八年夏莒人伐我東鄆以疆鄆田

昭公經四年秋九月取鄆

傳四年秋九月取鄆言易也莒亂著丘公立而不撫鄆  
鄆叛而來故曰取凡克邑不用師徒曰取

郟

嬴姓子爵今淮陽軍有古郟城

宣公經四年春公及齊侯平莒及郟莒人不肯

詳見莒



經十有六年秋鄭伯姬來歸

傳十六年秋鄭伯姬來歸出也

成公經七年春吳伐鄭

傳鄭與吳成

經八年冬叔孫僑如會晉士燮齊人邾人伐鄭

傳八年冬晉士燮來聘言伐鄭也以其事吳故公請緩

師文子

士燮

不可季孫懼使宣伯帥師會伐鄭

襄公經七年春鄭子來朝

傳七年春鄭子來朝始朝公也

昭公經十有七年秋郟子來朝

傳十七年秋郟子來朝公與之宴昭子問焉曰少皞氏

鳥名官何故也郟子曰吾祖也我知之昔者黃帝氏以

雲紀故為雲師而雲名炎帝氏

神農

以火紀故為火師而

火名共工氏以水紀故為水師而水名大皞氏

伏羲

以龍

紀故為龍師而龍名我高祖少皞摯之立也鳳鳥適至

故紀於鳥為鳥師而鳥名自顓頊以來不能紀遠乃紀

於近為民師而命以民事則不能故也仲尼聞之見於

邲子而學之既而告人曰吾聞之天子失官學在四夷

猶信

詳見職官書

麋

嬴姓子爵近楚今均州鄖鄉縣

文公傳十年冬楚及蔡侯次于厥貉厥貉之會麋子逃歸

經十有一年春楚子伐麋

傳十一年春楚子伐麋成大心敗麋師于防渚潘崇復

伐麋至于錫穴

麋地

傳十六年秋八月楚大饑麋人率百濮聚於選將伐楚  
為賈曰麋與百濮謂我饑不能師故伐我也若我出師  
必懼而歸百濮離居將各走其邑乃出師旬有五日百  
濮乃罷

偏陽

妘姓子爵國在今沂州承縣

襄公經十年春會吳于柤夏五月甲午遂滅偏陽

傳十年夏四月戊午會于柎晉荀偃士句請伐偏陽而

封宋向戌焉荀瑩曰城小而固勝之不武弗勝為笑固

請丙寅圍之弗克孟氏之臣秦董父輦重如役偏陽人

啟門諸侯之士門焉

見門開故攻之

縣門發郕人紇

孔子

挾之

以出門者

諸侯之士在門內者

狄虎彌建大車之輪而蒙之以甲

以為櫓左執之右拔戟以成一隊孟獻子曰詩所謂有

力如虎者也主人縣布

偏陽人

董父登之及堞而絕之隊

則又縣之蘇而復上者三主人辭焉乃退帶其斷以徇

於軍三日諸侯之師久於偏陽荀偃士匄請於荀罃曰

水潦將降懼不能歸請班師知伯

荀罃

怒投之以几

紫几傳作

机註机本又作几

出於其間曰女成二事而後告余

二事伐偏陽封向戌

余恐亂命以不女違女既勤君而興諸侯牽帥老夫以至於此既無武守而又欲易余罪曰是實班師不然克矣余羸老也可重任乎七日不克必爾乎取之五月庚寅荀偃士匄帥卒攻偏陽親受矢石甲午滅之書曰遂滅偏陽言自會也以與向戌向戌辭乃予宋公晉侯

以偁陽子歸獻于武宮謂之夷俘偁陽妘姓也使周内史選其族嗣納諸霍人禮也

霍晉邑內史掌爵祿廢置者

### 鄆

妘姓子爵國在今沂州臨沂縣

昭公經十有八年夏六月邾人入鄆

傳十八年夏六月邾人藉稻

君自出藉稻蓋履行之

邾人襲鄆鄆

人將閉門邾人羊羅攝其首焉

斬得閉門者頭

遂入之盡俘以

歸鄆子曰余無歸矣從帑於邾邾莊公反鄆夫人而舍

其女

傳十九年鄆夫人宋向成之女也故向寧請師二月宋公伐邾三月盡歸鄆俘

沈

姒姓子爵今蔡州汝陽縣

文公經三年春王正月叔孫得臣會晉人宋人陳人衛人鄭人伐沈沈潰

傳三年春莊叔會諸侯之師伐沈以其服于楚也沈潰



凡民逃其上曰潰在上曰逃

成公傳八年春晉侵沈獲沈子揖

詳見晉

昭公傳十三年楚之滅蔡也

十一年

靈王遷沈于荆平王

即位而復之禮也

經二十有三年秋七月戊辰吳敗頓胡沈蔡陳許之師

于雞父沈子逞滅

傳見吳

定公經四年夏四月庚辰蔡公孫姓帥師滅沈以沈子

嘉歸殺之

傳四年沈人不曾于召陵晉人使蔡伐之夏蔡滅沈是

三月  
會

舒

偃姓子爵國在今廬州舒城縣春秋有舒有舒鳩  
有舒庸有舒蓼故曰羣舒皆為偃姓然舒舒鳩則  
子爵今類次舒及舒鳩于此而舒蓼舒庸則別著

僖公經三年夏徐人取舒

無傳

文公傳十二年羣舒叛楚夏子孔執舒子平及宗子平

舒平

名君遂圍巢

傳十四年楚莊王立子孔潘宗將襲羣舒使公子燮與

子儀守而伐舒蓼

詳見楚

舒鳩

偃姓子爵楚之屬國舒之別封也今無為軍巢縣

有舒城

襄公傳二十四年冬吳人為楚舟師之役故

在此年夏

召舒

鳩人舒鳩人叛楚楚子師于荒浦使沈尹壽與師祁犁

讓之舒鳩子敬逆二子而告無之且請受盟二子復命  
王欲伐之蘧子曰不可彼告不叛且請受盟而又伐之  
伐無罪也若猶叛我無辭有庸乃還

經二十有五年秋八月楚屈建帥師滅舒鳩

傳二十五年秋七月舒鳩人卒叛楚令尹子木伐之及  
離城吳人救之先擊吳師吳師奔大敗遂圍舒鳩舒鳩  
潰八月楚滅舒鳩

夢

芊姓子爵祝融高辛氏之火正楚子遠祖也鬻熊  
祝融之十二世孫夔楚之別封故亦世紹其祀國  
在今歸州

僖公經二十有六年秋楚人滅夔以夔子歸

傳二十六年夔子不祀祝融與鬻熊楚人讓之對曰我

先王熊摯有疾鬼神弗赦而自竄于夔

熊摯楚嫡子有疾不得立

吾

是以失楚又何祀焉秋楚成得臣鬬宜申帥師滅夔以

夔子歸

鄖

嬴姓子爵今復州沔陽縣

桓公傳十一年春楚屈瑕將盟貳軫鄖人軍于蒲騷將

與隨絞州蓼伐楚師莫敖患之鬬廉曰鄖人軍其郊必

不誠且日虞四邑之至也

四邑隨絞州蓼

君次于郊郢以禦四

邑我以銳師宵加于鄖鄖有虞心而恃其城莫有鬬志

若敗鄖師四邑必離遂敗鄖師于蒲騷

宿

風姓男爵國在今東平府須成縣

隱公經元年秋九月及宋人盟于宿

經八年夏六月辛亥宿男卒

無傳

莊公經十年春三月宋人遷宿

無傳宋強遷而有其地

### 須句

風姓子爵附庸在今鄆州須成縣

僖公傳二十一年任宿須句顓臾風姓也實司大皞

伐歲

與有濟之祀以服事諸夏邾人滅須句須句子來奔因

成風也成風為之言于公曰崇明祀保小寡周禮也蠻夷猾夏周禍也若封須句是崇皞濟而脩祀紓禍也

經二十有二年春公伐邾取須句

傳二十二年春伐邾取須句反其君焉禮也

文公經七年春公伐邾三月甲戌取須句

傳七年春三月甲戌取須句寘文公子焉非禮也

邾文公子

叛在魯絕大皞之祀以與鄰國之叛臣

論曰余觀春秋彊凌弱大凌小其諸異乎先王之制矣



胡頓舒鳩夔近楚則楚滅之徐沈近吳則吳滅之宿近  
宋則宋遷之郕鄆近魯則魯取之鄆近邾則邾入之舒  
近徐則徐取之偃陽距晉為遠則滅之以予宋溫近在  
王畿至為狄所燔蓋小國之存無幾矣天子弱諸侯恣  
諸侯恣夷狄暴跡其禍亂豈一夕一朝之故春秋書入  
取遷滅以悉用兵之淺深而撥亂反正之意寓焉嘆之  
也

春秋分記卷八十四

欽定四庫全書

春秋分記卷八十五

宋程公說撰

小國第五

有爵亡姓

賴

弦

萊

譚

宗

鍾吾

賴

子爵亡姓國在今蔡州襄信縣

桓公傳十三年春楚屈瑕伐羅楚子使賴人追屈瑕不

及

昭公經四年秋楚子

靈王滅賴

傳四年秋八月楚子以諸侯滅賴賴子面縛銜璧士袒

輿櫬從之造於中軍王問椒舉曰成王克許

在僖八年

許僖

公如是王親釋其縛受其璧焚其櫬王從之遷賴於郕

弦

子爵亡姓國在今光州仙居縣

僖公經五年秋八月楚人滅弦弦子奔黃

傳五年秋楚鬬穀於菟滅弦弦子奔黃於是江黃道栢  
方睦於齊皆弦姻也弦子恃之而不事楚又不設備故  
亡

昭公傳三十一年秋吳師圍弦左司馬戌右司馬稽帥  
師救弦吳師還

萊

子爵亡姓國在今登州蓬萊縣

宣公經七年夏公會齊侯

惠公

伐萊

詳見魯

經九年夏齊侯

惠公

伐萊

無傳

襄公傳二年春齊侯

靈公

伐萊萊人使正輿子賂夙沙衛

齊寺人

以索馬牛皆百匹齊師乃還

夏齊侯召萊子萊

子不會故晏弱城東陽以偪之

經六年冬十有二月齊人滅萊

書十二月從告

傳六年冬十一月齊侯滅萊萊恃謀也

恃夙沙衛之謀

於鄭子

國之來聘也四月在五晏弱城東陽而遂圍萊甲寅堙

之環城傳於堞及杞桓公卒之月此年三月乙未王湫帥師

及正輿子棠人軍齊師齊師大敗之丁未入萊萊共公

浮柔奔棠正輿子王湫奔莒莒人殺之四月陳無宇獻

萊宗器于襄宮齊襄公廟晏弱圍棠十一月丙辰而滅之遷

萊于郕高厚崔杼定其田

譚

子爵亡姓國在今齊州歷城縣

莊公經十年冬十月齊師滅譚譚子奔莒

傳十年齊侯之出也過譚譚不禮焉及其人也諸侯皆  
賀譚又不至冬齊師滅譚譚無禮也譚子奔莒同盟故  
也

宗

子爵亡姓羣舒之屬或云今渠州以地理考之迂  
遠疑

文公傳十二年夏楚子孔執舒子平及宗子



鍾吾

子爵亡姓

昭公傳二十七年夏四月吳光弑王僚公子掩餘奔徐  
公子燭庸奔鍾吾

傳三十年秋八月吳子使徐人執掩餘使鍾吾人執燭  
庸二公子奔楚冬十二月吳子執鍾吾子遂伐徐

春秋分記卷八十五

欽定四庫全書

春秋分記卷八十六

宋程公說撰

小國第六

有姓亡爵

耿

霍

魏

焦

東號

密

管

毛

雍

聃

邗

昨

蔣

茅

楊

蕭

都

羅

夷

向

申

任

顓臾

偏

黃

六

舒蓼

蓼

舒庸

耿

姬姓在今河中府龍門縣

霍

姬姓在今晉州霍邑縣

魏

姬姓在今河中府永樂縣

閔公傳元年晉侯

獻公

滅耿滅霍滅魏還賜趙夙耿賜畢

萬魏以為大夫

焦

姬姓襄公二十九年傳虞號焦滑焦國也今陝州

平陸縣

東號

姬姓隱元年傳制嚴

音嚴

邑也號叔死焉杜預注東

號也國在今鄭州滎陽縣

密

姬姓僖十七年傳密姬生懿公國在今鄭州密縣

管

姬姓僖二十四年傳文之昭也國在今鄭州管城縣

毛

姬姓僖二十四年傳文之昭也杜預釋闕按毛為

畿內國云

雍

姬姓僖二十四年傳文之昭也國在今懷州修武

縣

聃

姬姓僖二十四年傳文之昭也案定四年傳聃季  
為司空豈即聃之始封耶又五叔無官句杜註有  
毛叔聃則當是始封於毛者皆武王母弟也

邠



姬姓僖二十四年傳武之穆也懷州河內縣北有  
邶城

胙

姬姓僖二十四年傳周公之胤也今滑州胙城縣

蔣

姬姓僖二十四年傳周公之胤也今光州固始縣

茅

姬姓僖二十四年傳周公之胤也今濟州金鄉縣

楊

姬姓襄二十九年傳虞虢焦滑霍揚韓魏皆姬姓也晉是以大若非侵小將何所取武獻以下兼國多矣杜預注八國皆晉所滅今平陽府洪洞縣即古楊國云

蕭

子姓宋附庸國在今徐州蕭縣

莊公十二年傳秋宋萬弑閔公于蒙澤立子游

宋公羣子

公子奔蕭公子御說奔亳南宮牛猛獲帥師圍亳冬十

月蕭叔大心

叔蕭大心名

及戴武宣穆莊之族以曹師伐之

殺南宮牛于師殺子游于宋立桓公

御說

經二十有三年夏蕭叔朝公

無傳

僖公經三十年秋介人侵蕭

無傳

宣公經十有二年冬十有二月戊寅楚子滅蕭

傳十二年冬楚子伐蕭宋華椒以蔡人救蕭蕭人囚熊

相宜僚及公子丙王曰勿殺吾退蕭人殺之王怒遂圍

蕭蕭潰遂傳于蕭還

音無社蕭大旋無社夫

與司馬邠言號申叔

展

邠展皆楚大夫無社素識叔展故因邠而呼之

叔展曰有麥麴乎曰無有山

鞠窮乎曰無

麥麴鞠窮所以禦濕欲使無社逃泥水中無社不解故曰無

河魚腹疾柰

何曰目於眚

鳥丸

井而拯之

無社意解將欲入井

若為茅經哭井

則已

叔展又教結茅以表井須哭乃可應以為信

明日蕭潰申叔視其井則

茅經存焉號而出之

都

允姓廣記曰楚附庸杜預釋本在商密楚界小國

後遷於南郡郿縣按其地今襄陽府宜城縣

僖公傳二十五年秋秦晉伐郿楚鬪克屈禦寇以申息

之師戍商密

郿別邑

秦人過析隈

析楚邑隈隱蔽之處

入而係輿人

以圍商密昏而傳焉

係縛輿人詐為克析得其囚俘者

宵坎血加書偽

與子儀子邊盟者商密人懼曰秦取析矣戍人反矣乃

降秦師秦師囚申公子儀

關克

息公子邊

禦寇

以歸楚令尹

子玉追秦師弗及

文公經五年夏秦人入郿

傳五年 初郢叛楚即秦又貳於楚夏秦人入郢

羅

熊姓國始都西山中今襄陽府宜城縣後徙在今

江陵府枝江縣

桓公傳十二年伐絞之役

是年冬楚伐絞

楚師分涉於彭羅人

欲伐之使伯嘉

羅大夫

謀

伺也

之三巡數之

傳十三年春楚屈瑕伐羅及鄢亂次以濟遂無次且不

設備及羅羅與盧戎兩軍之大敗之

詳見楚

# 夷

姁姓國在今京東萊州即墨縣西莊公十六年晉武公伐夷執夷詭諸杜預云詭諸周大夫夷采地名而世族譜於姁姓之夷復繫以夷詭諸是併二夷為一矣按夷遠在東垂不得為周大夫之采地世譜誤也今止錄紀人伐夷於姁姓夷下而詭諸則係諸周公

隱公傳元年秋八月紀人伐夷夷不告故不書

向

姜姓今宿州蘄縣地有向城

隱公經二年夏莒人入向

申

姜姓隱元年傳鄭武公娶于申國在今為鄧州南

陽縣

隱公傳元年 初鄭武公娶于申曰武姜

成公傳七年子重請取於申呂以為賞田王許之申公



巫臣曰不可此申呂所以邑也是以爲賦以御北方若取之是無申呂也晉鄭必至于漢王乃止

昭公傳十三年楚之滅蔡也

十一年

靈王遷申於荊焉平

王即位而復之禮也

任  
顓臾

風姓僖二十一年傳任宿須句顓臾風姓也實司太皞與有濟之祀案任在今濟州任城縣顓臾在今沂州費縣

偏

姑姓文六年傳杜祁以君故讓偏姑而上之地闕

黃

嬴姓楚與國在今光州定城縣

六

偃姓亡爵在今廬州舒城縣

文公經五年秋楚人滅六

傳五年六人叛楚即東夷秋楚成大心仲歸帥師滅

六冬楚公子燮滅蓼臧文仲聞六與蓼滅曰臯陶庭堅  
不祀忍諸德之不建民之無援哀哉

蓼六皆臯陶後  
庭堅臯陶字

### 舒蓼

偃姓國在壽春府安豐縣

文公傳十四年秋七月楚伐舒蓼

宣公經八年夏六月楚人滅舒蓼

傳八年夏楚為衆舒叛故伐舒蓼滅之楚子疆之

### 蓼

偃姓舒蓼別封國在唐州湖陽縣

桓公傳十一年春楚屈瑕將盟貳軫鄖人軍於蒲騷將與隨絞州蓼伐楚師

文公傳五年冬楚公子燮滅蓼臧文仲聞六與蓼曰皋陶庭堅不祀忽諸德之不建民之無援哀哉

蓼六皆皋陶後庭堅

皋陶  
字

舒庸

偃姓亡爵東夷國

成公經十有七年冬十有二月楚人滅舒庸

傳十七年舒庸人以楚師之敗也

敗於鄢陵

道吳人圍巢伐

駕圍釐廬遂恃吳而不設備楚公子橐帥襲舒庸滅之

論曰春秋小國有爵而亡姓者有之有姓而亡爵者有

之爵者以封而異也姓者因生以別也故書曰列爵惟

五分土惟三而傳曰天子建德因生以賜姓胙之土而

命之氏蓋自黃帝堯舜氏作皆以封建治歷夏商周因

而修之制莫嚴焉周室既東漸以壞亂而先王經制猶

有存者霸彊代興不能修而益壞之其極至于為秦而  
公天下之大端亡矣悲夫

春秋分記卷八十六

欽定四庫全書

春秋分記卷八十七

宋程公說撰

小國第七

爵姓俱亡

江

厲

英

巢

桐

貳

軫

絞

州

權

道

栢

鄺

房

項

郭

遂

陽

冀

崇

戴

共

鑄

於餘丘



鄭

極

鄭

牟

根牟

庸

江

楚與國在今信陽縣之東南新息縣之西

僖公經二年秋九月齊侯宋公江人黃人盟于貫

經三年秋齊侯宋公江人黃人會于陽穀

經四年秋及江人黃人伐陳

文公經三年秋楚人圍江冬十有二月晉陽處父帥師伐楚以救江

傳三年秋楚師圍江晉先僕伐楚以救江冬晉以江故告于周王叔桓公晉陽處父伐楚以救江門于方城遇息公子朱而還

經四年秋楚人滅江

傳四年秋楚人滅江秦伯為之降服出次不舉過數

厲

楚與國在今隨州

僖公經十有五年秋七月齊師曹師伐厲時楚伐徐以救徐故

傳十六年夏齊伐厲不克救徐而還

英

楚與國

僖公經十有七年春齊人徐人伐英氏

傳十七年春齊人為徐伐英氏以報婁林之役也在十五年

楚入徐  
事見徐

巢

吳楚間小國在今無為軍巢縣

文公經十有二年夏楚人圍巢

傳十二年羣舒叛楚夏楚子孔執舒子平及宗子遂圍

巢

宗巢舒之屬

桐

小國今廬州舒城縣有桐鄉今名桐城

定公傳二年夏桐叛楚吳子誘楚人曰以師臨我我伐

桐詳見楚

貳軫絞州

四國杜繹並闕按水經晉於中廬之南立軫鄉疑為軫國今荆南府監利縣東南有州陵城

桓公傳十一年春楚屈瑕將盟貳軫鄖人軍於蒲騷將與隨絞州蓼伐楚師莫敖遂敗鄖師於蒲騷卒盟而還

卒盟  
貳軫

傳十二年冬楚伐絞軍其南門屈瑕曰絞小而輕請無

扞采樵者以誘之絞人獲三十人明日絞人爭出大敗之為城下之盟而還

詳見楚

權

韓愈曰商武丁之子降封於權江漢間小國也今荆門軍

莊公傳十八年 初楚武王克權使鬬緡尹之以畔圍而殺之遷權於那處

道 栢

蔡州確山縣有故道城栢在蔡州西平縣

僖公傳五年於是江黃道栢皆弦姻也弦子恃之而不事楚

昭公傳十三年楚之滅蔡也

十一年

靈王遷道於荆焉平

王即位復之禮也

鄆

國在鄧州鄧城縣寰宇記云鄆城即古鄆子之國  
按傳止曰鄆人云

桓公傳九年春楚子使道朔將巴客以聘於鄧鄧南鄙  
鄆人攻而奪之幣殺道朔及巴行人夏楚使鬬廉帥師  
及巴師圍鄆鄧養甥聃甥帥師救鄆三逐巴師不克鄧  
師大敗鄆人宵潰

哀公傳十八年春巴人伐楚圍鄆

房

故房國國語謂周昭王娶于房曰房女是也楚滅  
以為邑國在今蔡州遂平縣



昭公傳十三年楚之滅蔡也靈王遷房於荆焉平王即位復之禮也

項

今陳州項城縣

僖公經十有七年夏滅項

郛

今濟州任城縣

襄公經十有三年夏取郛

傳十三年夏邾亂分為三師救邾遂取之凡書取言易也用大師焉曰滅弗地曰入

遂

今襲慶府龔丘縣

莊公經十有三年夏六月齊人滅遂

傳十三年春會于北杏遂人不至夏齊人滅遂而戍之

經十有七年夏齊人殲盡也于遂

傳十七年夏遂因氏領氏工婁氏須遂氏饗齊戍醉而

殺之齊人殲焉

陽

世本闕其世并地名杜預注國名釋地闕在今沂

州沂水縣

閔公經二年春王正月齊人遷陽

無傳

冀

今河中府有冀亭

僖公傳二年晉荀息假道於虞曰冀為不道入自顛軫

伐鄭三門冀之既病則亦唯君故

崇

秦與國公羊作柳杜預釋地闕今雍州鄠縣東

宣公經元年冬晉趙穿帥師侵崇

傳元年晉趙穿曰我侵崇秦急崇必救之冬趙穿侵崇

戴

杜預釋晉陳留外黃縣東南有戴城按外黃今屬  
東京雍丘縣之東戴城在外黃東南即今拱州之

考城云

隱公經十年秋宋人蔡人衛人伐戴鄭伯伐取之

傳十年秋七月庚寅鄭師入郊猶在郊蔡人從之伐戴  
八月壬戌鄭伯圍戴癸亥克之取三師焉

共

閔公二年傳益之以共滕之民在今衛州共城縣  
隱元年傳鄭公伐京京叛大叔段段入于鄆五月辛丑  
大叔出奔共

鑄

襄公二十三年傳臧宣叔娶于鑄今襲慶府龔丘

縣

龔丘縣春秋  
為鑄遂二國

於餘丘

爵姓俱亡近魯小國附庸杜預云國名公羊穀梁  
以為邾別邑或云後為邾所并

莊公經二年夏公子慶父帥師伐於餘丘

鄆

爵姓俱亡紀附庸今京東鄆州須成縣

莊公經三十年秋七月齊人降鄆

極

爵姓俱亡附庸小國賈氏云戎邑也極為戎邑於  
傳無文云

隱公經二年夏五月無駭帥師入極

傳二年夏司空無駭入極費季父勝之

鄆

爵姓俱亡附庸

成公經六年春二月取鄆

傳六年春二月取鄆言易也

牟

爵姓俱亡附庸國在今襲慶府奉符縣

桓公經十有五年夏牟人來朝

無傳

根牟

國在今沂州沂水縣南



宣公經九年秋取根牟

傳九年秋取根牟言易也

庸

今房州竹山縣杜曰屬楚東夷小國

文公經十有六年秋八月楚人秦人巴人滅庸

傳十六年秋八月楚大饑庸人帥羣蠻以叛楚楚出師

使廬戡黎侵庸及庸方城庸人逐之囚子揚窓

戡黎官屬

三

宿而逸曰庸師衆羣蠻聚焉不如復大師師叔曰

不可姑又與之遇以驕之彼驕我怒而後可克又與

之遇七遇皆北唯裨僚魚人實逐之

庸三邑

庸人曰楚

不足與戰矣遂不設備楚子乘駟會師于臨品分為二

隊子越自石溪子貝自仍以伐庸羣蠻從楚子盟遂滅

庸

詳見楚

論曰嗚呼春秋之變可傷也已余考成周封建之制五等受地計其等衰皆不足以當王畿之數迄于春秋已非周公之舊典禮經嘗稽其故大國如魯如晉如齊如

宋如秦如楚則至數圻之多降是而下如陳如蔡曾自保之不暇其諸小國可推見矣况爵姓俱亡微而不能自立者哉又以其時言之江南之國楚為大而江屬英巢桐貳軫絞州權道栢鄴房之屬介于其境或滅或伐累累見于冊書若魯之滅項取邾齊之殲遂遷陽秦之伐崇鄭之圍戴視楚彊暴雖若有間而於王制乎何有故具著於篇

春秋分記卷八十七

欽定四庫全書

春秋分記卷八十八

宋程公說撰

四夷附錄第一

戎

驪戎

姜戎

陸渾戎

陰戎附

楊拒泉皋伊維戎

戎蠻

廬戎

狄戎

犬戎

茅戎附

北戎

山戎無終附

戎

杜預釋晉東南有戎城今東京開封陽明縣濟陽鎮又戎州已氏在拱州楚丘縣其地與戎城相近  
隱公經二年春公會戎于潛秋八月庚辰公及戎盟于唐

傳二年春公會戎于潛戎請盟公辭戎請盟秋盟于唐復修戎好也

經七年冬天王使凡伯來聘戎伐凡伯于楚丘以歸

傳七年冬天王使凡伯來聘戎伐之于楚丘以歸

即戎州已

氏者

桓公經二年秋九月公及戎盟于唐

傳二年秋九月公及戎盟于唐修舊好也

莊公經十八年夏公追戎于濟西

傳見魯

經二十年冬齊人伐戎

無傳

經二十有四年冬戎侵曹

無傳

經二十有六年春公伐戎

無傳

僖公傳二年秋號公敗戎于桑田

文公傳十七年秋周甘斨敗戎于邠垂乘其飲酒也

成公傳元年春晉侯使瑕嘉平戎于王

平邠垂之役

哀公傳十七年衛公莊登城以望見戎州問之以告公

曰我姬姓也何戎之有焉剪之戎州人攻公太子疾公子青踰從公戎州人殺之公入于戎州已氏

戎人姓

驪戎

姬姓男爵今京兆府臨潼縣



莊公傳二十八年晉伐驪戎驪戎男女以驪姬

納女於人曰女

姜戎

姜姓四嶽之後居晉南鄙

僖公經三十有三年夏四月辛巳晉人及姜戎

驪支敗之先

秦師于殽

傳見秦

襄公傳十四年春會于向將執戎子駒支范宣子親數

諸朝

行之所在亦有朝位

曰來姜戎氏昔秦人迫逐乃祖吾離于

瓜

古華切

州乃祖吾離被苫蓋蒙荆棘以來歸我先君我

先君惠公有不腆之田與女剖分而食之今諸侯之事  
我寡君不如昔者蓋言語漏泄則職女之由詰朝之事

爾無與焉

不得使與會

與將執女對曰昔秦人負恃其衆貪

于土地逐我諸戎惠公蠲其大德謂我諸戎是四嶽之

裔胄也

姜姓毋

音無

是剪棄賜我南鄙之田狐狸所居豺狼

所嗥我諸戎除剪其荆棘驅其狐狸豺狼以為先君不

侵不畔之臣至于今不貳昔文公與秦伐鄭秦人竊與

鄭盟而舍戍焉

僖三  
十年

於是乎有殽之師晉禦其上戎亢

其下秦師不復我諸戎實然譬如捕鹿晉人角之諸戎  
倚之與晉踣之戎何以不免自是以來晉之百役與我  
諸戎相繼于時以從執政猶殽志也豈敢離邊今官之  
師旅無乃實有所闕以攜諸侯而罪我諸戎我諸戎飲  
食衣服不與華同贄幣不通言語不達何惡之能為不  
與於會亦無管焉賦青蠅而退

取其宣弟居  
子無信讒言

宣子辭焉

辭謝使即事於會成愷悌也

陸渾戎

姜姓之後別為允姓今西京伊陽縣即古陸渾

僖公傳二十二年 初平王之東遷也辛有適伊川見被髮而祭於野者曰不及百年此其戎乎其禮先亡矣秋秦晉遷陸渾之戎于伊川

蘭敏修評曰辛有見被髮而祭而知其後之必戎道則固然誰能易之其後秦晉遷陸渾之戎于伊川事應矣豈被髮而祭之所致哉夫被髮而祭而其人遂為夷此風俗之變也今秦晉之所遷則秦

晉一時之失也

宣公經三年春楚子伐陸渾之戎

詳見楚

成公傳六年春三月晉伯宗夏陽說衛鄭陸渾蠻氏侵宋

昭公傳九年春二月晉梁丙張趯率陰戎

陸渾之戎

伐潁

潁周邑

王使辭於晉曰先王居櫛杙于四裔故允姓之姦居于

瓜州

陰戎祖與三苗俱放三危

伯父惠公歸自秦而誘以來

僖二十二年秦

晉遷陸渾戎

使偪我諸姬入我郊甸則戎焉取之戎有中國

誰之咎也

昭公經十有七年秋八月晉荀吳帥師滅陸渾之戎

傳十七年秋九月丁卯晉荀吳帥師涉自棘津使祭史

先用牲于雒陸渾人弗知師從之遂滅陸渾數之以其

貳於楚也陸渾子奔楚其衆奔甘鹿

詳見晉

哀公傳四年夏楚人既克夷虎

蠻夷叛楚者

單浮餘圍蠻氏

浮餘楚大夫

蠻氏潰蠻子赤奔晉陰地司馬起豐析與狄戎

楚司馬販也豐析皆楚邑發此二邑人及戎狄

使謂陰地之命大夫士蔑曰將

通於少習以聽命士蔑乃致九州之戎

在晉陰地  
陸渾之戎

揚拒泉皋伊雒戎

揚拒泉皋皆戎邑及諸雜戎居伊水雒水之間者  
伊闕北有泉亭又洛陽縣西南有戎城

僖公傳十一年夏楊拒泉皋伊雒之戎同伐京師入王  
城焚東門王子帶召之也秦晉伐戎以救周秋晉侯平  
戎於王

文公經八年冬十月乙酉公子遂會雒戎盟于暴

傳八年冬襄仲會晉趙孟盟于衡雍遂會伊雒之戎  
成公傳六年春三月晉伯宗夏陽說伊雒之戎侵宋

戎蠻

戎別種亦曰蠻氏杜釋晉新城縣東南有蠻城今  
鄭州密縣

成公傳六年春三月晉伯宗夏陽說伊雒之戎陸渾蠻  
氏侵宋

昭公經十有六年春楚子誘戎蠻子殺之



傳十六年春王正月楚子聞蠻氏之亂與蠻子之無質

也

質信

使然丹誘戎蠻子嘉殺之遂取蠻氏既而復立其

子焉禮也

哀公經四年夏晉人執戎蠻子赤歸于楚

傳四年夏楚單浮餘圍蠻氏蠻氏潰蠻子赤奔晉陰地

司馬

楚司馬販

起豐析與狄戎以臨上雒晉士蔑乃致九州

之戎將裂田以與蠻子而城之

以詐蠻子

且為之卜

卜城蠻子

聽卜遂執之與其五大夫以畀楚司馬致邑立宗焉以

誘其遺民而盡俘以歸

詳見楚

盧戎

南蠻也今襄陽府中盧縣

桓公傳十三年春楚屈瑕伐羅羅與盧戎兩軍之大敗之

狄戎

杜闕近楚之戎

哀四年傳夏楚人既克夷虎

蠻夷叛楚者

乃謀北方司馬起

豐析與狄戎楚司馬敗也豐析皆楚邑發此二邑人及戎狄以臨上雒

犬戎

附茅戎

姬姓西戎之別居中國其先唐叔子先別在戎狄云又別種曰茅戎今陝州平陸縣有茅亭

莊公傳二十八年晉獻公娶犬戎狐姬生重耳

閔公傳二年春虢公敗犬戎于渭汭

成公經元年秋王師敗績于茅戎

書秋從告

傳元年春晉侯使瑕嘉平戎于王

平文十七年邲垂之役事見戎劉康

公徽我遂伐茅戎三月癸未敗績于徐吾氏

徐吾茅戎之別

北戎

山戎無終附

其別者曰山戎山戎之別又曰無終今河北化外

薊州玉田縣

隱公傳九年冬北戎侵鄭鄭伯

莊公

禦之公子突曰使勇

而無剛者嘗寇而速去之君為三覆以待之戎輕而不整貪而無親勝不相讓敗不相救從之戎人之前遇覆者奔祝聃逐之裒戎師前後擊之盡殪戎師大奔十一

月甲寅鄭人大敗戎師

桓公傳六年夏北戎伐齊齊侯使乞師于鄭鄭大子忽帥師救齊六月大敗戎師獲其二帥大良少良甲首三百以獻於齊

莊公經三十年冬齊人伐山戎

北戎

傳三十年冬遇于魯濟謀山戎也以其病燕故也經三十有一年夏六月齊侯來獻戎捷

襄公傳四年冬無終子嘉父使孟樂如晉

山戎國名孟樂其使臣

因魏莊子納虎豹之皮以請和諸戎

欲戎與晉和

悼公使魏

絳盟諸戎

昭公傳元年夏六月晉中行穆子敗無終及羣狄于太

原

詳見晉

論曰戎狄舉號外之也余觀春秋書戎戎蠻山戎皆外之之辭若其別見于傳者又不一焉其在楚丘與戎城相近則曰戎州已氏在京北而姬姓者曰驪戎在晉南鄙而姜姓者曰姜戎姜姓之後別居陸渾者又為允姓

曰陸渾戎曰陰戎曰九州之戎唐叔之後別居中國者  
同為姬姓曰犬戎曰茅戎曰徐吾氏又有揚拒泉皋伊  
雒戎其近楚者有廬戎有狄戎若夫戎蠻蓋戎之別而  
戎蠻又有曰蠻氏山戎蓋北戎之別而山戎又有曰無  
終云

春秋分記卷八十八



欽定四庫全書

春秋分記卷八十九

宋程公說撰

四夷附錄第二

狄

長狄

赤狄

白狄

狄

北狄地之廣絕蒲子北屈左右

莊公傳二十八年晉驪姬賂外嬖梁五與東闕嬖五使

言於公曰

公獻

若使太子主曲沃而重耳夷吾主蒲與屈

則可以威民而懼戎且旌君伐使俱曰狄之廣莫於晉

為都晉之啟土不亦宜乎

詳見晉

經三十有二年冬狄伐邢

無傳

閔公傳元年春狄人伐邢

在往年冬

管敬仲言於齊侯

桓公曰

戎狄豺狼不可厭也諸夏親暱不可棄也宴安酖毒不

可懷也請救邢齊人救邢

經二年冬十有二月狄入衛

傳二年冬十二月狄人伐衛衛懿公及狄人戰于熒澤

衛師敗績遂滅衛狄入衛

詳見衛

僖公經八年夏狄伐晉

傳八年春晉里克帥師梁由靡御號射為右以敗狄于

采桑梁由靡曰狄無恥從之必大克里克曰懼之而已  
無速衆狄號射曰期年狄必至示之弱矣 夏狄伐晉

報采桑之役也復期月

明期年之言驗音基

經十年春王正月狄滅溫溫子奔衛

詳見溫

經十有四年秋狄侵鄭

無傳

傳十六年秋狄侵晉取狐厨受鐸涉汾及昆都

經十有八年夏五月狄救齊

五公子爭立

冬邢人狄人伐衛

經二十年秋齊人狄人盟于邢

狄再稱人

經二十有一年春狄侵衛

經三十年夏狄侵齊

傳三十年狄間晉之有鄭虞也夏狄侵齊

齊晉與國  
晉時伐鄭

經十有一年冬狄圍衛

經三十有二年秋衛人及狄盟

傳三十二年夏狄有亂衛人侵狄狄請平秋衛人及狄

盟

經三十有三年夏四月狄侵齊秋晉人敗狄于箕

傳三十三年夏四月狄侵齊因晉喪也晉文公卒秋狄伐晉

及箕八月戊子晉侯襄公敗狄于箕

文公經四年夏狄侵齊無傳

經七年夏四月狄侵我西鄙

經九年夏狄侵齊

無傳

經十年冬狄侵宋

無傳

經十有三年冬狄侵衛

無傳

宣公經十有一年秋晉侯會狄于欒函

傳十一年晉郤成子求成于衆狄衆狄疾赤狄之役遂服于晉秋會于欒函衆狄服也

成公經十有二年秋晉人敗狄于交剛

傳十二年狄人間宋之盟以侵晉而不設備

是年夏晉楚盟于宋

秋晉人敗狄于交剛

昭公經元年夏六月晉荀吳帥師敗狄于大鹵

傳元年夏六月晉中行穆子敗羣狄于太原崇卒也為五陳以相離以誘之翟人笑之未陳而薄之大敗之

長狄

亦曰鄭瞞防風氏之後

文公經十有一年秋狄侵齊冬十月甲午叔孫得臣敗狄于鹹

傳十一年秋鄭瞞侵齊

鄭瞞狄國名防風之後漆姓說文作鄆云北方長狄國也在夏

為防風氏商為汪芒氏

遂伐我公卜使叔孫得臣追之吉侯叔夏

御莊叔

得臣

綿房甥為右富父終甥駟乘冬十月甲午敗

狄于鹹獲長狄僑如

鄭瞞之君蓋長三丈

富父終甥搯其喉以戈

殺之埋其首於子駒之門以命宣伯

因名宣伯曰僑如

初宋武

公之世鄭瞞伐宋

在春秋前

司徒皇父帥師御之彫班御皇

父充石公子穀甥為右司寇牛父駟乘以敗狄于長丘

獲長狄緣斯

僑如之父

皇父之二子死焉宋公於是以門賞



彫班使食其征謂之彫門晉之滅潞也

宣十五年

獲僑如之

弟焚如齊襄公之二年

桓十六年

鄭瞞伐齊齊王子成父獲

其弟榮如

榮如焚如弟焚如後死而先說者欲其兄弟伯季相次榮如以桓之十六年死至宣十五

年一百三歲其兄猶在傳言既長且壽有異於人

埋其首於周首之北門衛人

獲其季弟簡如鄭瞞由是遂亡

長狄種絕

### 赤狄

強者曰潞氏別種曰東山臯落氏曰甲氏留吁曰

廆咎如今潞州潞城縣

閔公傳二年冬十二月晉侯

獻公

使大子申生伐東山臯

落氏

文公傳七年夏狄侵我西鄙公使告于晉趙宣子使問

鄆舒且讓之

按經止書狄不詳其為赤狄與否而傳因及鄆舒鄆舒潞相也故記傳讓鄆舒事于

赤狄

下云

宣公經三年秋赤狄侵齊

無傳

經四年夏六月赤狄侵齊

無傳

傳六年秋赤狄伐晉圍懷及邢丘晉侯欲伐之中行桓

子曰使疾其民

驟則數戰為民所疾

以盈其貫

習也

將可殪也

盡也

周

書曰殪戎殷此類之謂也

傳七年赤狄侵晉取向陰之禾

無秋字闕文

傳十一年卻成子求成于衆狄衆狄疾赤狄之役

赤狄潞氏最強

服役衆狄

遂服于晉

傳十三年秋赤狄伐晉及清

經十有五年夏六月癸卯晉師滅赤狄潞氏以潞子嬰

兒歸

傳十五年潞子嬰兒之夫人晉景公之姊也潞相鄆舒為

政而殺之又傷潞子之目晉侯將伐之諸大夫皆曰不

可鄆舒有三雋才

才藝勝人者三

不如待後之人伯宗曰必伐之

狄有五罪雋才雖多何補焉不祀一也耆酒二也棄仲

章而奪黎氏地三也虐我伯姬四也傷其君目五也怙

其雋才而不以茂德茲益罪也後之人或者將敬奉德

義以事神人而申固其命若之何待之不討有罪曰將

待後後有辭而討焉毋乃不可乎夫恃才與衆亡之道

也商紂由之故滅天反時為災地反物為妖民反德為

亂亂則妖災生故文反正為乏

文盡在秋矣晉侯從之

六月癸卯晉荀林父敗赤狄于曲梁辛亥滅潞鄆舒奔

衛衛人歸諸晉晉人殺之 秋七月壬午晉侯治兵于

稷以畧狄土立黎侯而還晉侯使趙同獻狄俘于周

經十有六年春王正月晉人滅赤狄甲氏及留吁

傳十六年春晉士會帥師滅赤狄甲氏及留吁鐸辰

鐸辰

不書留吁之屬

三月獻狄俘

獻于王

成公經三年秋晉卻克衛孫良夫伐膚咎如

傳三年秋晉卻克衛孫良夫伐膚咎如討赤狄之餘焉

膚咎如潰上失民也

此傳釋經之文而經無膚咎如潰蓋經闕此四字

白狄

狄之別種其白狄之別又有曰肥曰鼓曰鮮虞今

延安府膚施縣及邠州鼓城縣鮮虞在今中山府

新樂縣

僖公傳三十三年秋八月戊子晉侯敗狄于箕卻缺獲

白狄子

宣公經八年夏六月晉師白狄伐秦

傳八年春白狄及晉平夏會晉伐秦

襄公經十有八年春白狄來

傳十八年春白狄始來

未嘗與  
魯接

昭公經十有二年冬晉伐鮮虞

傳十二年夏六月晉荀吳偽會齊師者假道于鮮虞

白狄

別種遂入昔陽秋八月壬午滅肥以肥子綿皋歸冬晉伐

鮮虞因肥之役也

傳十三年秋鮮虞人聞晉師之悉起也

會于平丘

而不警邊

且不脩備晉荀吳自著雍以上軍侵鮮虞及中人驅衝

競

驅衝車與秋競

大獲而歸

經十有五年秋晉荀吳帥師伐鮮虞

傳十五年秋晉荀吳帥師伐鮮虞圍鼓鼓人或請以城

叛穆子弗許使鼓人殺叛人而繕守備圍鼓三月鼓人

或請降使其民見曰猶有食色姑脩而城鼓人告食竭



力盡而後取之克鼓而反不戮一人以鼓子貳晉鞮歸

詳見

傳二十二年晉之取鼓也在昭十既獻而反鼓子焉獻

廟又叛於鮮虞叛晉屬六月荀吳略東陽使師偽糴者

負甲以息于昔陽之門外遂襲鼓滅之以鼓子貳鞮歸

定公傳三年秋九月鮮虞人敗晉師于平中獲觀虎

經四年秋七月晉士鞅衛孔圉帥師伐鮮虞無傳

經五年冬晉士鞅帥師圍鮮虞傳言報觀虎之敗

哀公經六年春晉趙鞅帥師伐鮮虞

論曰狄始見於春秋莊之三十有二年曰狄僖之十有八年與邢人伐衛書狄人二十年與齊人盟邢狄又書人凡再書人傳者曰人狄所以狄邢狄齊也乃若種類之別曰長狄曰赤狄曰白狄其赤狄之彊者曰潞氏別者曰東山臯落氏曰甲氏留吁曰廆咎如白狄之別者曰肥曰鼓曰鮮虞

春秋分記卷八十九

欽定四庫全書

春秋分記卷九十

宋 程公說 撰

四夷附錄第三

介

淮夷

山夷

濮夷

夷虎

羣蠻

肅慎

介

今密州膠西縣杜日東夷國

僖公經二十有九年春介葛盧來冬介葛盧來

傳二十九年春介葛盧來朝舍于昌衍之上公在會

會晉

圖許饋之芻米禮也冬介葛盧來以未見公故復來朝禮之加

燕好介葛盧聞牛鳴曰是生三犧皆用之矣其音云問之而信  
經三十年秋介人侵蕭

淮夷

東夷居淮水者又有敖東夷地

僖公傳十三年夏會于鹹淮夷病杞故

經見  
齊

昭公經四年夏楚子蔡侯陳侯鄭伯許男徐子滕子頓  
子胡子沈子小邾子宋世子佐淮夷會于申秋七月楚  
子蔡侯陳侯許男頓子胡子沈子淮夷伐吳

哀公傳十九年秋楚沈諸梁伐東夷三夷男女及楚師

盟于敖

從越之  
夷三種

山夷

杜預此年戎即山夷

文公傳十六年秋八月楚大饑戎伐其西南至于阜山  
師于大林又伐其東南至于陽丘以侵訾枝

濮夷

南夷也建寧縣南有濮夷

文公傳十六年秋八月麋人率百濮聚于選將伐楚楚  
人謀徙阪高為賈曰麋與百濮謂我饑不能師故伐之  
也若我出師必懼而歸百濮離居誰暇謀人乃出師旬  
有五日百濮乃罷

昭公傳九年春二月楚然丹遷城父人於陳以夷濮西田益之

傳十九年夏五月楚子為舟師以伐濮

夷虎

蠻夷叛楚者

哀公傳四年夏楚人既克夷虎乃謀北方圍蠻氏

詳見楚及

蠻夷

羣蠻

文公傳十六年秋八月庸人帥羣蠻以叛楚子分為二  
隊以伐庸羣蠻從楚子盟

見楚莊  
強故

肅慎

北夷也在渤海國都三十里

昭公傳九年周王

景王

使辭於晉曰肅慎燕亳吾北土也

論曰余讀書至肅慎來賀而有感焉成王東伐淮夷曾  
何與於肅慎氏而能格其來賀乎先王以德懷要荒其  
有叛亂者則先以文告次以威讓而猶有不服焉則行



征誅以正之罪之大者或至於遷滅蓋德以起其仁心  
威以折其彊很故畏威者服懷德者來周成王東伐淮  
夷遂踐奄遷其君於蒲姑威亦怒矣肅慎氏懷其德以  
來則非有所彊而致也肅慎為國遠在東北其事莫得  
而詳傳載景王之辭曰肅慎燕亳吾北土也則肅慎之  
世服於周室於是見矣嗚呼天下有道守在四夷先王  
以德懷要荒則遠人安有覬覦之心王者之跡熄而戎狄  
之患啟故春秋撥亂世反之正則內齊晉而外吳楚所

以嚴其訓也自王氏以新說為國是春秋之學為世大  
禁斷國論者無所折衷人欲日長天理日消其效使神  
州陸沈而莫之拯物極必反否必泰二帝三王之道有  
能紹而明之推原春秋大公至正之法則闢邪說正人  
心用夏變夷復帝王之治舉而措之無難矣

春秋分記卷九十